



Икки пардали драма

Хассос олим, фидойи навоийшунос Хамид Сулаймон хамда сахнада Навоий тимсолининг беназир ижрочиси — Олим Хўжаларнинг ёркин хотираларига багишланади.
Муаллиф

ИШТИРОК ЭТУВЧИЛАР:

Навоий
Хусайний — шох [Хусайн Бойкаро]
Афзал — бош вазир
Бадиуззамон — шахзода
Мўмин Мирзо — Бадиуззамоннинг ўгли
Шойи — мударрис
Гулрухсор — малика
Султонали — хаттот
Бобо Али — эшик ога
Маждиддин — вазир
Соний — вазир
Морбоз — сокчибоши
Тарлонбек — саркарда
Чори — навкар
Абдумалик — чопар
Талабалар, канизак за мулозимлар

1-кўриниш

Шинам сўри ёнига йўл-йўлакай гаплашганча кекса мударрис Шойи билан тийрак болакай — кичик шахзода Мўмин Мирзо келишади.

ШОИЙ. Эмди, шахзодам, «Тарихи Абомуслим»ни такрор килурмиз — кани, унутмадингизмукин?

МЎМИН. О, наинким унутмак — мен ани Пахлавон бобога айтуб, олқиш хам олдим!

Шойи (ўтиришгач). Хазрат Пахлавон кўп закий кишидур. Андог эрса, кани, бизга-да айнан ул зотига айтконингиздек баён этинг-чи.

МЎМИН. Хўп бўлур. Ул замонлар арабда алавийлар, умма-вийлар ва аббосийлар аталмиш уч гурух мавжуд бўлуб, хали-фалик тахти уммавийларда эрди. Оз нуфузли бўлмуш ала-вийлар ўз тирикчиликлари ила машгул ва халифалик — бошқарув ишларига аралашмас эрдилар.

Аббосийлар эрса мудом тахт эгалламак пайинда юришса-да, аммо кўп сонли ва жангари уммавийлардин ани олурга имконсиз эрдилар.

ШОИЙ. Хм, сўнги не бўлибдур?

МЎМИН. Тўксон йил халифалик килгон уммавийлар жабр-зулми беадад ошируб, наинким араб бўлмагон улуснинг, балким минглаб араб хонадонларининг-да ёстукларин куритгонлар. Хусусан, алардин бири — конхўр жаллодлигила ном козонмуш Хажжож ибн Юсуф йигирма йил халифалик килгондур. Ондин аввал хам, кейин хам ҳеч бир хукмдор халкка ул ёвуздек зулм ўтказмагондур. Ривоят борким, Хажжож ўз кўли бирла юз йигирма минг кишини ўлдуртиргон эркан.

ШОИЙ. Хўп, ул жазои нохакка мустахик бўлмуш шўрликлар кимлардур?

МЎМИН. Алар ўз юртларин химоя этконлар, гаровга олунгонлар, солук тўлай олмагонлардур. Жумладин, бизнинг хуросонлик аждодларимиз хам.

ШОИЙ. Хўп, бул бедодликлар охир кандог хотима топибдур?

МЎМИН. Аббосийлар сардори ўз улусиндин уммавийларга бас келадургон куч топмагач, донийларин бизнинг Хуросон сори йиборур. Аларнинг бунда йиккон тарафдорларига Абомуслим бош бўлур ва тадбир хам жасорат туфайлидин шухрат козонгон ул зот катта лашкарга эга бўлгач, олти юз мингдин ортук арабни махв этуб Хуросонни озод килур.

ШОИЙ. Абомуслим ўзи кандог киши эрди?

МЎМИН (бурро). Абомуслим ёши ўн тўккузда, баходур келбатли, саховатпеша йигит эрди.

Авойили онинг ўзи хам кул бўлуб, уммавийлар жабрини ортук тортгон ва кўп якинларидин жудо бўлгон ситамдийда эрди. Шу важдинким', мудом мотам либосин — яъни каро кийюб юрур ва жанг асносидан ўзга пайт ҳеч кулмас эрди. Ул...

Ов кийими кийган, Хусайний киради. Устоз-шогирд туриб таъзим этишади.

ХУСАЙНИЙ. Узр, махдум, сабогингизни бўлдик.

ШОИЙ (кўли кўксида). Асло, шохим, Сизнинг олий ташрифингиз бизлар-чун буюк илтифотдур.

ХУСАЙНИЙ (Мўминни кўрсатиб). Нечук, шогирдингиз — кичик шахзоданинг идрок-иштиёки сизни кониктирурми?

ШОИЙ. Ваоллох, кўз тегмасун, шохим, камина неча шахзо-даю олий зотларга тахсил бериб, харгиз бундог фарзанди донони кўрмагон эрдим. Худо хохласа, онинг камоли Сизни бенихоя мамнун этгусидур!

ХУСАЙНИЙ. Хай-хай, бул муболагангизни шахзодамиз чин олиб, кибр отун хаволатмасун эмди.

ШОИЙ (Мўминнинг елкасига кўлини кўйиб). Асло, шохим. Ўзингиз имтихон этиб-да бул фирузбахтнинг идроку кувваи хофизасига тан бермагингиз мумкиндур. Камина таълим бе-рурда мудом ўз рўбарўмда бола эрмас, улгайган кимсани тасаввур этурмен.

ХУСАЙНИЙ (набирасига синовчан тикилиб). Биз хали буни синаб кўрурмиз. (Мўминга) Сиз бунга атонгизни чорланг-чи.

Мўмин «Хўп бўлур» дея югуриб кетади.

Махдум, не толеким, айна валиахдимизнинг дилбанди шундог фазилатлар намоён этур. Онга сиз мумкин қадар фозиллик ва комиллик сабогин бергайсиз, токим салтанатимизнинг бўлгуси тождори айна рисоладагидек бўлгай.

ШОИЙ. Шохим, бул факирнинг-да ёлгуз муроди шулдур — иншоолло бори айтконингиз бекаму кўст ато бўлгусидур!

ХУСАЙНИЙ (мамнун). Биз сизнинг ранжида хизматингизни мунрсиб бахолагумиздур. Эмди сизга рухсат.

Мударрис кулук килгач, чиқади. Шох хонтахта устидаги китобни кўра бошлаганда Бадиуззамон билан Мўмин киришади.

БАДИУЗЗАМОН. Бузрукворимуз бизни истабдурлар?..

ХУСАЙНИЙ (китобни ёпиб). Ха. Сўрмакчи эрдим, кичик Мирзонинг таълим сулукидин вокифмусиз, деб.

БАДИУЗЗАМОН (Мўминга синчков тикилиб). Хар нечук умед борким, танбехга сазовор бўлмагай деб.

ХУСАЙНИЙ (бироз юраркан, Бадиуззамонга). Улуг бобомиз Абулмансур Темурбек такдирин мушохада этингиз: невчун ул фотиhi жахон, бехисоб лашкару валиахд фарзандлар бўлатуруб, бул фоний дунёни тарк этгони баробаринда оилаю салтанати хам паторатга юз тутгондур?

БАДИУЗЗАМОН (отасининг муддаосини унча тушунмай). Шу важдинким, онинг эътимодли вазири — яъни бехудуд салтанатининг кўз-кулоги бўлмиш шайх Нажмиддин риёкор эркон — ўшал нобакор барча кўрнамак — хиёнаткорларни шул кабохатга бошлагондур.

ХУСАЙНИЙ (тасдиклаб). Ха, ул беокибат улуг жахонгирга хурмат кўрсатиб, васиятин тугал адо этмак ўрнига мунофик-лйк йўлин тутуб, номакбул ишларни килгондур...

(Таъкидлаб.) Хўп, минбаъд хукмдор шул киби муртадларни ўзига якин тутмаслик чун не йўсун иш тутса бўлур?

БАДИУЗЗАМОН (бир оз ўйлагач). Албатта... бул жабхадада биз сизнинг тажриба ва пандларингизга суянурмиз, киблагох.

ХУСАЙНИЙ. Андог эрса тинглангиз, башартики кўкда булут турса, билмассизким, андин ёгин келурми ёхуд шунчаки соя. Аксинча — офтоб эрса-чи?

Мўмин. Шаксиз, андин харорат била рўшнолик келур!

ХУСАЙНИЙ. Офарин, Мадомики шундог эркон, хар бир сохиби тахт ўзуни мажхул булутга эрмас, нурафшон хур-шидга бўйламаги дурустдур.

БАДИУЗЗАМОН. Бузруквор, ошкоррок баён этсангиз, токим биз... пандингизни дил катига мустаъмал жо айласак.

ХУСАЙНИЙ. Укуб олингим, абр-булутлар беимон Нажмид-дин кибилар эрса, офтобу зиёвахш — Низомиддин Алишер эрур!

БАДИУЗЗАМОН. Багоят тўгри таъриф этурсиз, онхазрат, Мухтарам Навоийнинг дилларида мудом адолат ва эзгулик нурлари барк урур!

ХУСАЙНИЙ. Хулосаи калом ушбуким, қачонки салтанат ихтиёри илкингизга ўтур —

сизнинг-да ўз хос Алишерингиз бўлмаги жоиздур.

БАДИУЗЗАМОН (бош чайкаб). О, бузруквор, бул борада толеъ офтоби ёлгуз Сизгагина таважжух этгондур. Мавлоно Датлатшоҳ зикр этконларидек:

Ломакондин то зухр ўлгунча ул зоти комил, Бас, замонлар айланиб, келгайдур ўзга замон.

Сиздин олдин-ку андогини даврон билмабдур ва тагида качондур кўрмаги хам маълум эрмас!

ХУСАЙНИЙ (бироз юрвран, мактаганнамо бош тебратиб). Хм, магар атонгиз Хусайн султон бўлмаса эрди, анда Алишер хам бул кунги Навоий бўлмасму эрди... Биздин олду муста-бид Абу Саид онинг шоиру фозил тагойиларин катл эттуруб, ўзуни кувгин килиб эрди... Нихол хар неча ноёб ўлмасун, башарти зарур замину парвариш йўк эрса, камол ўрнига завол топкусидур.

Мўминнинг елкасига кўлини кўйиб, уктиради.

Биз хатна тўйларинда шахзодамизга дорулфатх Астробод валийлигин ваъда этконмиз. Сиз эрса ато сифатинда бул карогимизга мужассам ва мусаллам сабоқлар бермагингиз фарз бўлур.

БАДИУЗЗАМОН (кўли кўксига). Иншоолло, онхазрат, бул даъватингиз биз-чун катъи дастуруламал бўлгусидур!

ХУСАЙНИЙ. Биз онча муддат сайру шикор азиматига туш-

конмиз. Сафар оллидин иккингиизга баъзи акидаларимизни баён этдук. Эмди отланингиз, бизни кузатиб кўйюрсиз.

Бирга чикишади.

2-кўриниш

Навоий бир нуктага тикилганча кўлидаги танбурни чертиб-чертиб ўтирибди. Бир оздан кейин созни кўйиб, ёзувга берилади. Шу асно мактуб олиб мулозим киради.

МУЛОЗИМ. Таксир, Жомий хазратларидин чопар! (Мактубни беради). Ул кишининг номларидин мавлоно Али Сафий йиборибдур.

НАВОИЙ (мактубни олиб очаркан, мамнун). Сизга рухсат. Мулозим чикади. Навоий мактубни ўқийди:

«Хамд ангоким, олис сафар ниҳоясинда Эшон хазратларин сихатлари бомаромдур ва таъби рухлари масрурдур. Сизга устознинг дуои саломлари ила янги битилмиш бир манзумаси-ни хамда ул зоти шарифнинг камина эшиткон захоти ракам этуб тургон зарофатгўйликларидин бир нечасини хавола эт-макдаман, токим тенгрим бизга иноят эткон завқдин Сиз хам бенасиб колмагайсиз дебон фируз бахт Сафий».

Навоий итоат билан Жомий газалини ўқий бошлаганда,

Афзал киради ва ўзини сездирмай, тинглайди.

Рахна солдинг дилга жон бер деб мани девонани,

Не ажаб, дунё пайидин ўгри тешгай хонани.

Мехри холин донасини дилга солма, эй ракиб,

Экмагил беҳуда харгиз кора тошга донани.

Бас кил, эй машшота, мушкун кокулида колмади,

Бўлди дил дилга тугун ўйнатганинда шонани.

Кўйидин кўз узмаюн чангал солурмен кўксима,
Дарча очгум — сийнадин кўрсун ахир вайронани.

Окибат бегона бўлгум, сендин, эй ёр, не килай,

Кадр этурсен дўсти ёрдин юз карат бегонани.

Ишкга ўхшашлик такозо, ким буни инкор этур,

Шамга бокким, ёндирур ўзи киби парвонани.

Жомий, хушдин кетди, агёр, ул санамдин кам гапур,

Кўзларин юммуш эмди, киска кил афсонани!

Афзал томок киради. Навоий карагач, саломлашиб-кўришади.

НАВОИЙ (мамнун). Зап кутлуг дамда келдунгиз-да. Мулла Афзал, айни ташрифингиз

арафаси Жомий хазратларидин мактуб олуб эрдук. Устознинг зукко мусохибларидин

Али Сафий йиборгон мутойиба-зарофат гўйликлардин сиз хам бахраманд бўлурсиз.

(Ўкийди).

«Қачонким биз Богдод шахрига етушгонимизда пийр Жамол Ирокий ўз муридлари ила

хазрат хузурларига келдулар. Ул зот гавдадор, овози гулдурак киши бўлуб, ўз

жонибинда эътиборли шайхлардин эркон ва бизнинг устозга эътимоди багоят баланд

эркон. Галатким, онинг ва муридларин либосла-ри боштин аёк туя жунидин килингон

эрди. Ва бу хол назардин четда колмади — яъни шайх хазратни кўришлари ила:

— Шукрим, оллох жамолуни кўрдук,— дебон лутф этгон эрди, устоз хам аларга

карабон:

— Биз хам оллох жамолини, хусусан, оллох туяларини кўргондек бўлдук,— дедулар».

Навоий мутойибадан кулганча, Афзалга карайди. Лекин унинг юзида паришонлик ва

безовталиқ кўриб, жиддийлашади.

— Сизга не бўлду, мавлоно, ёким бетобмусиз?!

АФЗАЛ (ўзини тутиб). Йўк, Мирим, саломатмен...

билурмен, вале илк дафъа бундаюн нотинч кўрурмен.

АФЗАЛ (огир бош иргаб). Ха, Мирим...

НАВОИЙ. Боиси недур?..

АФЗАЛ (лаб тишлаб чукур нафас олгач, изтироб билан). Гарчанд ўзумда Сизнинг

зиёбахш дийдорингизни кўриш, шириндин ширин сухбатингиздин бахра олуш матлуби не

чандон бўлмасун, бундаюн келуб... шодумонлиг дамларингизда дилингизга гам-андух

солмагон бўлур эрдум...

НАВОИЙ (сабрсиз). Хўп, анда... баён этингиз — не мушкулот сизни бу янглиг безовта

килур?!

АФЗАЛ (огир тин олиб). Малика Гулрухсор... вафот этдилар...

НАВОИЙ (эшитганига ишонмай). Ё пирай?.. Қачон?!

АФЗАЛ. Шу кеча, тун огишида...

НАВОИЙ. Во дариг!.. (Юзига фотиха тортгач, ўкинч билан). Илму одобда кандог

баркамол, хусну латофатда кандог беназир эрди... (Соколини тутамлаб бош чайкайди).

Нафис ашъорлар битгувчи эрди... Эсизким, бевакт завол топмишдур.

АФЗАЛ (уф тортиб). Ха, ажали бедавонинг энг бемаъни килмиши шулким, ўз хуружида

адашмагон они кам: мудом неча-неча улуснинг жонига эткувчи захарниш тиканлар колиб,

мана шундог маъсума — ёруг оламга файзу кўрк бўлгувчи гулларни хазон этур!

НАВОИЙ (хамон ўзини босолмай). Ахир, табиб Малхамий, касаллик авж палласидин

ўтди, иншоолло, малика эмди согаюшга юз тутур, дебон шохни хотиржам килгон

эрди-ку?!

АФЗАЛ (тасдиклаб). Шундог. Вале надоматлар бўлгайким, орага ёвузлар аралашибдур—табибнинг дармон доруси аламаштирилуб кўюлмуш, малика захарланибдур...

НАВОИЙ. О, бадкор ёвузлар! Эсиз увол кетмиш жон!..

Бир оз танаффус.

Шохга хабар кетдиму?

АФЗАЛ (бош чайкаб). Йўк — бунга ҳеч кимнинг журъати етмас.

Навоий таажжубланиб карагач, изох беради.

Шаханшоҳ сафар оллидин маликага атаб катта сарв остинда хос кўшк ясатуб, дедиларки, ким онинг согайиш муждасин еткурса шохона инъом—от била тўн олур, башартики нохуш хабар еткурса, тили кесилур ва боз устига ўзи ҳам отсиз колур деб...

Сарой мулозими киради. Унинг кўриниши бесаранжом, талвасали.

МУЛОЗИМ (Афзалга). Таксир!.. (Гапиролмайди). АФЗАЛ (хавф сезиб). Сўзлангиз.

МУЛОЗИМ. Табиб — Малхамий... ўзини осибдур... АФЗАЛ (сесканиб). А? К-качон?!

МУЛОЗИМ. Сиз бу ёнга ташриф буюргоч, саройга амир Зулунбек келуб, малика холотун билмай чун табибни йўклаттирди. Мен борсам, табиб недандур жуда дилгир эрди. Ким чорлаётгонин эшитуб, тагида безовта бўлди. Сўнг ёнларидин ушбуни олуб сизга етказувимни ўтиндилар. (Хатни беради). Кейин менга андак сабр этмакни тайинлаб, бир хонага киргонча хаяллаб колдулар. Мен ул кишини шошилтургали борсам... не кўз ила кўрайким, жон жасадни тарк этгон эркон...

АФЗАЛ (ўзини кўлга олиб). Сизга рухсат.

Мулозим кетади.

НАВОИЙ. Кани(ул шўрликнинг номасун ўқунгиз-чи.

АФЗАЛ (титрок овоз билан ўқийди).

«Аллома вазир жаноблари Башартким маликам шикаста дарддин фориғ ўлғонида каминага беадад илтифотлар насиб этгуси эрди. Вале, надомат-ким, яратгонга акси маъкул келиб, маъсума фариштани ўз даргоҳига чорлабдур...

Бул жонибдин... камина-да сўнг йўл сори равона бўлурга азм этдум. Зеро воқеа тез султонга маълум ўлгач, онинг каҳри жунбушга келиб, бамисли аждаҳодек кўпларни ўз домига тортур. Факир шул талотўпда сўйилмакни истамадим — токим тупрокка коним жисмдин айру кирмагай, деб адои Малхамий».

НАВОИЙ (афгон чекиб). Хей аттанг!.. Шундог одамижон табиб, хар куни неча дардмандларга нажот бўлгучи киши... шошибдур!..

АФЗАЛ. Хм... локал ул каттол Зулунбек келмастин тургонда-да бечора менинг жавобимни кутур эрди...

НАВОИЙ. Зулунбекнинг бул фожиага не дахли бордур?

АФЗАЛ. Шаханшоҳ они маликани даволатмак-парваришламак борасига мутасадди таюнлаб эрдулар... (Ўқиниб). Толеъи бебахтни кўрингим, ул боринда жамъи иш ўрнуда эрди — кеча маликанинг сихатин айтиб, шохдин инъом олгун, бул кун кайтуб келса бундог хол... (Бошини чангаллаганча). Буда яна бизнинг шўришимиз. Негаким, султонимиз, эхтимол аввал боргон чопарга шафкат килмаги мумкиндиру вале эмди кангуллари тамом таскин топуб, хотиржам бўлгонда ким бормасун беэён кайтмас... Хуллас, аросатда колгонмиз — шул борада бирор йўрук берингиз, Мирим.

НАВОИЙ (индамай бироз ўйлагач, коғозга хат ёзиб узагар-кан, таъкидлайди). Сиз чопарлар сирасидин энг тадбиркор ва хушмуховарасун топуб, мазкур мисрани ёд эттуринг, токим ул султонга равон баён этсун

Уп сарвнинг соясинда сўлди гул, нетмок керак!

Башарти чопар ушбуни рисоладагидек айтуб бера олса, мен шохнинг одатин яхши билурмен—ашъор айткон кимсайи хеч вақт жазога дучор эттурмас, билъакс, анго шойистарак жавоб айлашга тутинур.

АФЗАЛ. Бор, шундог чопар бордур. Бул вазифани чопар Абдумалик, айна Сиз тайинлаётгонингиздек, ўринлата олур.

НАВОИЙ. Унда Абдумаликка айтунгким, мен онинг сафа-рин беэиён кечувига кафилдурмен.

АФЗАЛ. Иншоолло айтконингиз келгай, Мирим.

Чикади.

3-кўриниш

Хусайний вазирлари Маждиддин, Соний, саркарда Тарлонбек ва сокчи боши Морбоз билан сайхонликда майхўрлик килмокда. Даврадошлар вақтихушликдан арзимаган нарсадан ҳам кулги чикаришиб, хохолашадилар. Шох ўзи ичиб бўлгач, улфатларининг навбати билан жом сипкоришини кузатади, гоҳо лукма ташлаб туради.

ХУСАЙНИЙ (барча ичиб бўлгач). Хей, тинглангиз!

Улфатлар дархол жим бўлишгач, шеър айтади.

Элга ким хуршид тоби заррани пайдо килур,

Гунча огзинг сиррини ҳам гул юзинг гўё килур.

Зеб этур кўк сабзаси бирла куёш рухсорини,

Котиби кудратки, хаттинг нусхасин иншо килур.

Бор эркон ошикга меҳнат ўкларин ёғдургали,

Улки мужгонинг килиб навак, кошингни ё килур.

Истади жону кангул накдини ваҳ суд айларам,

Гар лабидин бўсае ул накд ила савдо кйлур.

Хажр зулмун кўрки, сабр айлай десам, айлар халок,

Айласам бесабрлик олам аро расво килур.

Меним ахволум кўруб ибрат олунг, эй ахли ишк,

Кимки бир бадмеҳр ишкида узун шайдо килур.

Эй Хусайний, чун ул ўтлук чехрадин олсам назар,

Кўзларимга дарди хижрон кочидин ўт чокилур.

Шох газални тугатиб, шароб симиради. Улфатлари эса бир-бйрига гал беришмай мадху саного ўтишади:

— Э, яшанг, шохим, жовидон яшангиз!!

— Тасанно, олампадох, сиз назмда-да мумтоздурсиз!

— Бундаюн аъло ашъорни камина умри бино бўлубки, харгиз эшитмагон эрди, офарин, минг офарин!!

МАЖДИДДИН (салмоклаб). Шохим, сизнинг бундаюн комил суханлигингизга наинким биз, хатто шоири замон Навоийда тан бериб куллуқ килса арзийдур! Зероки, онинг энг сара назмлари ҳам сизнинг бул ашъорингиз оллида хийра тортуб, биайних...

ХУСАЙНИЙ (хушомадларни илжайган кўйи эшитишдан тўхтаб, эътироз билдиради).

Хай-хай, шоир Навоийни бундаюн бахоламангиз — хар не муболагада-да хад бўлмаги

жоиздур.

Улфатлар кизгин эътироз билдира бошлайдилар:

— Биз зинхор муболага этмадик, олампадох!

— Филхакикат рост — назмда-да сизга тараф йўктур!!

— Бул таърифда — яъниким биз эшутмак шарафига ноил ўлгонимиз сизнинг беназир газалингиз Навоийнинг айтконларидин аъло ва...

ХУСАЙНИЙ (уларни босиб). Хей, сизлар хозир каминани шоирлик рутбасинда хатто Навоийдин-да ошируб мадх этурсиз. (Маъноли бош чайкаб). Вале бунинг-ла менда ўзларингизга мархамат эрмас, балким хайрат хисларин пайдо килурсиз. Зеро камина ўзга бобларда кандоглигим билмасмен-у, вале назмда не нав иктидор касб этгоним яхши билурмен.

Улфатлар яна ким ўзарга тушишади:

— Бале! Сизнинг назмда камол-иктидорингиз беададдур!

— Одам атодин то шу кунгачаюн умргузаронлик этмуш шуаро ичра хам мумтозу ягонадурсиз!!

ХЎСАЙНИЙ (ранжиганнамо). Эх, сиз аркони давлат... шеър ўкумассиз, шул боиски пўчок ила магизнинг тафовутин ажратолмассиз!.. Кани, менга айтингиз-чи, сизлар Навоийдин бирор байт билурмусиз?

Улфатлар жавоб беришолмай, кўзларини яширишгач, шох ўзи завк билан шарх этади.

Эх, анинг нашъу намосини нега тенг деса бўлур!

Дилни — гам-ташвишдин форуг этуб, бамисли яшартирур!

Ул парнваш хурнинг мен телбадек шайдоси чўх,

Не ажаб гар тўлса олам мулкида гавгоси чўх.

Эй кангул, мумкин эмастур васли невчун ким эрур

Сабру хушум озу онинг нозу истигноси чўх.

Мен гадо найлаб сочи мушки харидори бўлай,

Ким эрур шахлар димогида анинг савдоси чўх...

Лаълидин ком истарам, не чора етса канглума

Кипригининг найзасидин захм ипа ийзоси чўх.

Бас баходирваш эрур, лекин мулойим хам эрур,

Ким Навоий канглуга тушмиш анинг васвоси чўх.

Шох улфатларига караркан, уларнинг ўзи кутганчалик таъсирланиш ўрнига, сассиз-нокулай вазиятда ўтиришганларини кўриб энсаси котади ва дашном беришга тушади:

Хей, сиз бечоралар... бунингдек шавкдин мудом бенашибдурсиз — на тонг отмаги фарахин билурсиз ва нада тўлун ой тароватин. Сизлар чун алафдин гулнинг ва зогдин булбулнинг фарки йўктур. Сизнинг энг юксак севинчингиз ногах олтун тўлук хамён топуб олгонда яким эрса ялтоқ-хушомадингиз чун мендин садака-илтифот кўргонда барк ургай, холос! (Гунох устида кўлга тушгандек нокулай ахволда колган улфатларини яна бир кўздан кечиргач, ўсмокчилаб сўрайди). Кани, эмди бир рост сўзлангиз-чи, ушбу айтконларим хакикатму йўк?! (Улфатлардан садо бўлмагач, овозини анча кўтаради). Эй, мум тишлагонлар, бийронлигингиз каён кетмуш — мен ўз суолимга жавоб истармен!

МАЖДИДДИН (тилёгламалик килиб). Шохим, сиз доимо ва факат хак сўзлар айтурсиз.

СОНИЙ. Ха, олампадох, бунга асло шак йўктур.

ХУСАЙНИЙ (юмшаб). Ундог эрса укуб олингиз: магарким мен салтанат Шохи эрсам, Навоий — шеър мулкининг султонидур. Сизлар... эмди... назм дурларин тизмакни-ку

эплломассиз, лоакал ани эшутгон ёким ўкигонда бахра олмакни билингиз-чи.
МОРБОЗ. Бул ўгитингиз бош устига, шохим, айна сиз айткондек иш тутмак бизчун фарзу
вожиб дурур!

ТАРЛОНБЕК. Айна шундог бўлур, давлатпанох!

ХУСАЙНИЙ (атрофга ишора этаркан). Мана, биз айёми Наврўз гаштин сурурмиз. Бул
хиСлат одамга хосдур. Яъниким, кечмуш йил манзилин янгиси олмаги киши кангтуда
ажиб хислар пайдо килур. Эмди шул ўзгармушларни шоир тавсиф этса — бул бамисли
узукка кўюлмуш кўз янглиг тагида мажозиб бўлгай!

СОНИЙ. Филхакикат рост, айна шундог бўлур!

ХУСАЙНИЙ. Камина хар кўклам Адиб Собир Термизий хазратларин камоли завк-ла ёдга
олурмен. Боисики, Хуросон шуаросин сардафтари бўлмуш ул зотнинг бундин уч юз йил
мукаддам айткон таърифлари хар галги Наврўз ташрифин-да — бамисли бахор такрор
гул очгони киби ўз тароватин янгидин манзур этур:

Богу сахрода кўруб наврўзи олам нашъасин

Жону дил шайдойи хусни богу сахро бўлдулар.

Борди хутнинг ортидин — етди хамалга офитоб,

Дашт аро навраста шоху барг пайдо бўлдулар.

Хар кангулни бог ила бўстон хавоси маст этур,

Бул хаводин кумри, булбул масту гўё бўлдулар.

Бўлмаса сокий булут, май бўлмаса ёмгур магар,

Лолалар нечун кадах янглиг мусаффо бўлдулар!!

(Кўлига кадах олиб). Кани, эмди шул мусаффо кадахларда лолагун майдин сипкорайлик,
токим омонлик ва шодумонлик мудом йўлдошимиз бўлгай!!. (Май куйилади).

ТАРЛОНБЕК. О, офарин шохим, минг офарин! Багоят зўр лутф ирод эттунгиз!!

КОЛГАНЛАР:

— Бале, айна дил муддаосин баён эттунгиз!!

— Илохо, ушмундок шохона лутфлар тингламак бизга бир умр насиб ўлгай!

— Шохимизнинг шавклари то рўзи киёматга қадар булокдек жўшиб тургай!!!

Ичишади. Шу асно мулозим киради.

МУЛОЗИМ, Шохим, саройдин чопар.

ХУСАЙНИЙ (мўйловини артаркан). А? Чопар? Кирсун.

Мулозим чикади. Чопар киради.

Хм, сўйла-чи, бизга не муждалар келтурубсен?

ЧОПАР (кироат билан).

Ул сарвнинг соясинда сўлди гул, нетмок керак?

ХУСАЙНИЙ (сергакланиб). А? Не дединг — такрор эт.

ЧОПАР (бироз хадик олиб).

Ул сарвнинг соясинда сўлди гул нетмок керак?..

ХУСАЙНИЙ (ўша охангда).

Сарвдин тобут ясаб, гулдин кафан этмок керак.

ЧОПАР. Амрингиз вожиб, шохим, сиз айтконча бўлур.

Чопар тез кетади. Шохнинг авзойи ўзгариб, жимиб колади,

МОРБОЗ (кадахларга май куяркан, шохдаги ўзгаришни сезмай). О, тасанно таксири
олам, минг бор тасанно!! Сиз киби хозиржавобу нуктадон шох шоиримиз борлигинин
бошларимиз... (Соний туртгач, шохга караб бака бўлиб колади.)

ХУСАЙНИЙ (хеч кимга карамай, тураркан). Зудлик ила тадорик кўрилсун — хозирок

боргохга кайтурмиз!

Шох кетади. Улфатлар хангу манг.

МАЖДИДДИН (афсусланиб). Хей аттанг. Мажлисимиз ширин, шохнинг кайфияти хам аъло эрди — мухим ишларни битириб олмокнинг айна мавриди келгонда ов кўлдан кетди!..

ТАРЛОНБЕК (гижиниб). Аммо лекин давлатдин хам путур кетгонму дермон — косиби хам шоир, мирзоси хам ва ёким чопари хам!..

СОНИЙ (кесатиб). Сиз аларнинг шоир бўлгонига эрмас, балким султонимизнинг сулукбардори — шоири замон Навоий нафас олгон хаводин нафас олатуруб аксунча бўлгониде ажаблансангуз дурустдур.

МАЖДИДДИН (маъноли бош чайкаб). Хар не бўлмасун, минбаъд бизнингда худди Навоийдек иш тутмагимиз жоиз эркон.

МОРБОЗ (кўзи чакчайиб). А?! Чамаси сиз ул ножинсинг «Одами эрсанг демагил одами, ониким. йўк халк гамидин гами!» дебон мудом бизни хажв ва хахр ўкига нишон этиш-ларин унутгон кўринурсиз, а?!

МАЖДИДДИН. Асло! Гар имкони тополмасам, лахза кечик-турмасдин они бори мухлислари-ла Кўхи Кофнинг ортига йиборур эрдум! Бас, таги невчун. Навоийдек иш тутмак лозим демагим боиси буким, акс холда биз шохнинг эътибо-риндин буткул колурмиз.

ТАРЛОНБЕК. Хўп, анда Навоийни мактаб эришатургон мав-кени не килурмиз — наинки биз хам онингдек таркидунёчилик тарикатига ўтсак?!

МАЖДИДДИН. йўк, бул тадбир зохиран, холос. Шохки шуни макбул кўрибдурму, бизнинг хам онинг таъби ройишига пайравлашмакдин ўзга макомимиз йўктур. Башарти Навоийни ошкор ерга уратургон бўлсак, таёк айланиб ўз бошимизга тегур эркон. Хулоса шуким, минбаъд онинг ёзгон-ларин ўкуб, тилда кўкларга кўтармак, зимдин эрса чоха итар-мак самаранок бўлуркан.

Бирга маъкуллашиб чикишади.

4-кўриниш

Сарой мотамда. Кора кийинган кишилар у ён-бу ён ўтиб туришади. Бобо Али югуриб ўтади. Йўл-йўлакай унинг «Устоз, устбз! Тез юрингиз, султон хазратлари келмакдалар!» дегани ва унга жавобан Навоийнинг «Канилар?» дея сўрагани эшитилади. Кейин Бобо Алининг «Мана бу томондан келмакдалар, тезрак юрингиз, зеро ул кишининг важохатлари тахдиднокдур!» дея шоширгани ва айна шу пайт узокдан бировнинг фарёд солгани, шохнинг эса. «А?! Шафкат!!! Мана Шафкат!! Мана Шафкат!» дея урган наъраси эшитилади.

БОБО АЛИ (сахнадан ўтаркан, дахшатга тушиб). Во аллох!.. Шох Шоди Дўлтойни чопуб ташлади!..

НАВОИЙ (ўтаркан). Ха, шох саройга килич ялангочлаб келибтур!..

Яна шовкин. Шохнинг «Кани ул?» деган зугуми ва тараклаш овози эшитилади. Чирок бироз ўчиб ёнади.

Навоий билан Хусайний киришади, Хамон ўзини босолмаётган шохнинг тирсагидан тутиб келади. Унинг иккинчи кўлида эса килич ялтирайди,

ХУСАЙНИЙ (титраб). Дўстим, бизга ўзунгизни босингиз, тинчланингиз, дерсиз. (Кўксига уриб.) Вале мен кандог тинчланурмен?! То мазлума маликанинг хар тола сочи чун бир муртаднинг жонин олмастин, тазаллум этмасдин кандог тинчланаюн, а, кандог?!

НАВОИЙ (вазмин). Бул ададсиз кайгунгизга бизни-да хамдард билгайсиз. Баногох фожеий хабарни эшитуб бамисли сийнамизга ханжар санчилгондек бўлди... Аммоким, фожадин бир мунча оллин вокиф бўлгонимиз ва факат шул хусусда фикират этгонимиз боисидин факирда баъзи андешалар борким — эътиборга молик кўрулса айтур эрдик. ХУСАЙНИЙ (карамасдан). Айтингиз, неники билсангиз пин-хон тутмангиз. (Таъкидлаб.) Валекин кангул юмшоклик ила биздин котиллар гунахин тиламангиз! (Килич ўкталиб.) Хали мен аларнинг бошларига шундог кунларни солайким, то етти пуштаригача унутмасунлар!!

НАВОИЙ. Албатта, котил кимлар бўлмасун, килмишларига яраша жазоланмаги лозимдур. Валекин бунинг чун аввал аник белгиламак керакдур — акс холда хар тўкилмуш бегунах кон фожа кўламин кенгайтирмакдин ўзга нафъ келтурмас.

ХУСАЙНИЙ (бироз шаштидан тушиб). Хўп... не маслахат берурсиз?

НАВОИЙ. Аввало шулки, таомилни унутмайлик. Бунда маликани... иккинчи кунки, Сизга каратиб турурлар — панохига топшурмак лозимдур. Токим мархума таги бир кун тириклар можаросига шерик бўлмагай. Иккинчи маслахат эрса — килични Сиз тутмагонингиз маъкулдур. Зеро Сиз тафтиш ила айбдорни тополсангиз бас, андин сўнг жаллод онинг жазосини ўзунгиздин-да шафкатсизрак бермаги мумкиндур. Шох индамай киличини кинга солади. Сўнг бирпас тургач, бўшашиб, гандираклаб кетади. Навоий уни суяганча олиб чиқади. Салдан кейин маросим тиловати эшитилади.

5-Кўриниш

Вазорат. Хожа Афзал билан Чори навкар гаплашиб киришади.

ЧОРИ. Мен чопарни кўрмадим, ул ҳақда каминага ҳеч гап маълум эмастур.

АФЗАЛ. Ахир шохга хабарни еткургон ўшал-ку?!

ЧОРИ (ўтиришгач). Билмадим. Биз — хос навкарлар онча олисда эрдик. Боз устига ов бароридин келиб, зиёфат куюк ва унча-мунча шаробда нўш килгон эрдик.

АФЗАЛ. Хўп, унда колгонлар кани, нечук биргина сиз келиб, ўзгалар ажраб колмишлар?!

ЧОРИ. Боя дегонимдек, биз тамоми бамайлихотир гашт килиб ўлтирурдик. Бир пайт ёв бостиму ёхуд ўзга бало кўптй-му, ногаҳ «Отланингиз, зудлик ила саройга кайтурмуз!» дедилар. Отларимиз эрса олисда-бокувда эрди. Кўлларида эгар туткон маст — сархуш йигитлар аларни тўздуруб, хар бири ўзуникин топкунларича талай фурсат кечти. Меним отум эрса қачонки чорласам, елуб келур эрди. Шул туфайлидин тез отланиб бу пайт йўлда бўлгон шаханшоҳ ва аъёнлари ортидин кетдим. Йўлда дарёнинг суйи тошкон эрса-да, султон хазратлари тикка от солгоч, биз хам шул йўлни туттук. Аммоким ул томонга ўтуб боксам, шох била мендин ўзга бирор кимса дарёдин кечолмабтур. Яъниким, бир иккисин сув олуб кетгач, колгон бори ортларига кайтмишлар. Эмди алар то кўприкдин ўтуб, етуб келгунларига кадар ярим кун кетур.

АФЗАЛ (ўйга чўмиб). Хм...

ЧОРИ. Такдир... балким сиз айтурсиз — бунда не вокеъ юз бермиш: исёнму, боскинму — ханузки билолмасмен?

АФЗАЛ (уф тортиб). Хей, алардин-да огир мусибат — малика вафот эттилар...
ЧОРИ (сесканиб). Во дариг!.. (Юзига фотиха тортгач.) Шундог гул... хазон бўлибдур-да, а?..

АФЗАЛ (боши билан тасдикларкан). Ха, бир очилуб... сўнг хазон бўлди...

ЧОРИ (бироз жимликдан кейин). Эмди... бизга не йўрук берурсиз — факир не килорум хам билолмасмен.

АФЗАЛ. Хозир энгил-бошингизни алмаштиринг — маъракада иштирок этурсиз.

ЧОРИ. Маъкул.

Чори кетгач, безовталиги ошиб Афзал хам чиқади.

Вазорат. Тун. Мулозим шам ёкиб кетади. Афзал кириб, кийимларини алмаштиради.

Мулозим мактуб ва чойнак олиб киради. Афзал мактубни ўкиб турганида Абдумалик киради. Мулозим чиқади.

АБДУМАЛИК. Ассалому алайкум, таксир.

АФЗАЛ (пешвоз юраркан). Ваалайкум ассалом... (кўришиб.) Ишкилиб сог-омонмисиз, иним? (Эшик томонга.) Беккулбек, Мир жанобларига чопар келди, денгиз, хотиржам бўлсунлар.

АБДУМАЛИК. Нечун ташвиш чекмак? Мен шаханшохни айтилгон ердин топдим, тайинлангон мисрани айтдим ва ул кишидин шойиста жавоб олуб кайтдим. Хуллас, мана, кўруб тургонингиздек, хузурингизда хозиру нозир турурмен.

АФЗАЛ (ўтиришгач, пиёлага чой кўйиб узатаркан). Пешинда султонимиз важохат-ла етуб келдилар. Ул кишига гап уктирур-га ҳеч кимсанинг хадди етмасди, бир неча бечоранинг шўрин куритдилар... Мен Сизнинг-да ёш умрингизга зомин бўлдим-му, дебон кўп изтиробда эрдим. Хайриятким, аждахо комидин безиён чикибсиз.

Навоий киради.

АБДУМАЛИК (тавозе билан). Ассалому алайкум, таксир.

НАВОИЙ (кўришаркан). Ваалайкум ассалом. Калай, сафарингиз бехатар кечдим, йигит?

АБДУМАЛИК. Худога шукр, бори рисоладагидек бўлди — ўзум хам сог-саломатмен, хаттоким бир қадар мамнунмен — зеро, камтарин хизматим-да Сиздек мўътабар зотнинг олий назарларига ноил бўлубдурман, (Таъкидлаб.) Ул беназир мисраингизга эрса шаханшоҳ хазратлари хам бағоят шойиста жавоб айладилар:

Сарвнинг соясинда сўлди гул, нетмок керак! Сарвдин тобут ясаб, гулдин каеран этмок керак.

НАВОИЙ (тин олиб). Эҳ, даригким, боиси фожиадур. Йўк эрса эл огзига тушатургон бир шох байт яралибдур-а!..

АФЗАЛ. Вале, бир жихатдин шукрим, шул ўтлуг мисра-лардин яралмиш байт туфайлидин мазлума малика тақдири хам эл ёдида колур.

НАВОИЙ. Хўп, биз эмди кайтурмиз. (Афзалга.) Сиз бул шеромарднинг жўмардлигин муносуб сарафроз этурсиз, албатта?

АФЗАЛ. Ха, албатта.

НАВОИЙ (кетаётиб). Хўп, сизларга тангри ёр бўлсун.

АБДУМАЛИК. Таксир... (Навоий карагач.) Гар маъзур тутилса, факирда бир тилак бор эрди...

НАВОИЙ. Не эркон ул?

АБДУМАЛИК. Камина Сизнинг мухлисларингиздинмен — хаттотлар неки кўчиришса, кўзга суртуб ўкиюрман. Башартиким, бул мулозимингизнинг хизматин рағбатга муносуб санасангиз, бизга ўзга инъом эрмас, янги битикларингиздин Хадя этилса... андин ортук

лутфу карам бўлмасму эрди...

НАВОИЙ (бошдан оёк разм соларкан). Маъкул.

Абдумалик куллуқ килади. Сўнг Афзал билан бирга Навоийни кузатиб чиқишади.

6-кўриниш

Гира-шира коронгулик. Узок-якинда хўрозлар кичкирмоқда. Икки бор карс овози эшитилади. Шам тутган мулозим киради. У «Буюрингиз, шохим» дея шамни шохнинг олдига кўймоқчи бўлади. Калин тўшак устида, ёстикка суянганча ўлтирган Хусайний шамни нари суларкан, «Муножот» дейди. Мулозим чиқади. Созанда-хонанда-лар «Муножот»ни бошлашади. Шох шикаста овоз билан кўшиқ матлаъсини такрорлайди: Кеча келгумдур дебон ул сарву гулру келмади, Кўзларимга кеча тонг откунча уйку келмади...

Сахна секин ёришади. Шох газал тугагунга қадар бўйин-кўкракларини укалаб ўтиради. «Муножот» тугагач, мулозим киради.

МУЛОЗИМ. Шохим, такрор айтсунларму ёким бошка бирин...

ХУСАЙНИЙ (карамасдан). Довот.

Мулозим чиқиб, ёзув анжомларини келтиради. Шох унинг кирганини сезмасдан ўзича гапирди:

— Ха-а... шоир Сухайлий айтқонидек:

Соямдин ўзга ёр йўқ кимсадин еткон куни гам, Лек коронгу тунларимга килмагай токат ул хам...

Мулозим ёзув аслахаларини бериб, чиқади. Шох коғозга биров ёзгач, ўзича маликага мурожат этишга тушади.

Фариштам!.. Эмди сени қайдин топурмен?.. Гар изингла борсам висолинг таги насиб бўлгайму?! Ёким ул манзилда сен маъсумани беҳишт боғига олгонлар, меним беадад гунаҳларим-чун томуг ўтига дучор этурларму?.. Нахот, эмди сен-ла туш ёким хаёлотдагина розлашув колгондур, холос?.. (Яна кўксини чангаллаб қолади.)

Чирок ўчади. Бироздан кейин куй чалиниб, кўкимтир нур сахнани ёритади, Ташқарида кизларнинг шўх кулгилари ва лапар айтишлари эшитилади. Малика Гулрухсор буларни эшитмайди — у каттик бе-рилганча китобдан нусха кўчирмоқда. Канизак киради.

КАНИЗАК. Маликам, шаханшоҳ хазратлари келмақдалар.

ГУЛРУХСОР (шошиб тураркан). А? Канилар?..

КАНИЗАК. Хозир хузурингизда бўлгайлар.

Гулрухсор кийимларини тузатади. Канизак коғоз-довотларни олиб чиқади. Сафар кийимидаги Хусайний кириб эшик олдида тўхтади.

ГУЛРУХСОР (таъзим этиб). Ассалому алайкум, яхши келдингизми, Бегим?

ХУСАЙНИЙ (кош учириб). А? Бегим? Нечук хеч «шохим» демассиз?

ГУЛРУХСОР. Сиз — хама учун шохсиз. Вале фуқаролар холидин гах оғох, гах нооғохсиз. Ёлгуз мен чун наиний шах, ва яна бексиз — хузуримда шахликдин озод, вале андин-да бексиз.

ХУСАЙНИЙ (завк билан маликани кучмоқчи бўлиб). Жоним! Мен — сафардада мудом сенинг ёдингла юрдим!..

ГУЛРУХСОР (четланиб, гинаомуз). Даъвоингиз балким ростдур. Вале нега ошқор

этурсиз, эларо дoston килурсиз?!

ХУСАЙНИЙ (тушунмай). Шама нечун — онгламадум?

ГУЛРУХСОП. Мен чун аталгон деб... ул таърифларни аввал гайр нигохларига хавола этурсиз!..

ХУСАЙНИЙ (кулимсираб). Ха.. Бунда гинага асос йўктур. Камина бир кадар хуснихатдин йирокмен, шул боиским, алар-ни хаттотларга берурман. Токим махорат-ла накшлаб, андин сўнг махбубамга еткургай деб.

ГУЛРУХСОП. Бегим, накшларингиз монанди сиёхга белан-миш чумоли изидек бўлсун-чи, ўзим бамисли кошга кўюл-миш ўсмадек келиштуриб кўчируб олурмен — зеро бирмунча хаттотликдин-да хунарим бордур, факат ёт нигохлар алардин вокиф ўлмасалар бас.

ХУСАЙНИЙ (уст анжомларни ечаркан). Биргина шул хусусда мунча бахс. Гина не туфайлидур — рашкдинму ё истигнодин?

ГУЛРУХСОП. Асло. Бул эхтиёт ва... ибодин, Бегим.

ХУСАЙНИЙ (анжомларни бераркан), Хар иккиси-да ўрин-сиздур. Аксинча, шоир — ошик Хусайний ўз махбубасин кан-дог васф этгони эл аро дoston бўлгонига не етсун!

ГУЛРУХСОП (таъкидлаб). Вале унутмагайларким, Бегим шунчаки ошук эрмас, аввало салтанат сохибидурлар...

ХУСАЙНИЙ. Навоий дебдурки:

Ишк боги холотун сўр ошики огохдин —

Ким фазосинда тафовут йўк гадога шохдин!

ГУЛРУХСОП (хозиржавоблик билан).

Гадо ризк топконда тилаб, шах топкуси талаб, Ки адлму аларга бўлса бир йўсун талаб!!

ХУСАЙНИЙ (кулиб). Маглубмен! Вале хануз истихола боисин билолмасмен. Не учунки ёр васфин таъриф этгон ошиконалар Навоийни етти иклимга машхур этуру Хусайнийга эришдур?

ГУЛРУХСОП. Бегим, шоир Навоийнинг хаёлий махбубаси бир самовий юксакликдаким, онинг таърифи, бамисли тўлун ой хар хонадонга баробар нур сочконидек, хеч кимсада гайри фикрат тугдирмас. Сизнинг эрса... бир неча оилангиз, жория-ларингиз бордур.

Шул важдинким, ашъорингизда битилгон тавсифу аъмолларни ўкигонлар «султоннинг шамъи кайси гўшани ёритмакда эркон?» киб фиқрларга-да бормаги мумкиндур. Боз устига Сиз таърифда муболагага чунон эрк берур-сизким, сўнг, кундошларим билмасмену, аммо мен эл наз-дидин холи бўлолмасдин афканда юрурмен.

Хусайний ўйланиб колади.

Бегим, хазрат Навоийнинг ушбу мисраларин хотирингизга келтурсангиз, ўтинчим равшанрок онгланурмуди:

Ахд килдум: ишк лафзин тилга мазкур этмаюн,

Тил неким, хомам тилидин таги мастур этмаюн.

Барча элга фитна бўлгон кўзга мафтун бўлмаюн,

Хар киши наззора айлар юзни манзур этмаюн...

ХУСАЙНИЙ (гапни бўлиб, кулги аралаш). Хузурингизга толпуниб келгон шайдойингизни лоакал ўлтурмаккада изн бермасдин мулзам этмагингиз боиси шул эрса — биз ани ка-бул килурмиз. (Кўли кўксида.) Минбаъд ишк лавхасинда неким накш этсак, аввал Сизнинг назарингиздин кечиртурмай(асло ўзга нигохларга хавола этмасмиз!

ГУЛРУХСОП (ним таъзим-ла). Харгиз толеингиз завол кўрмасун, Бегим.

ХУСАЙНИЙ (тантанали). Хўп, шоир Хусайний минбаъд мудом фармонингизда бўлур (Таъкидлаб.) Эмди, мабодо Султон Хусайин Мирзодинда бирор тилагингиз йўкму?

ГУЛРУХСОП (жиддий.) Олиймаком султонимиздин хам бул жорияларин бир ўтинчи бордур. Гар лутфла ижозат этсалар...

ХУСАЙНИЙ. Ижозат, ижозат! Нейки тилагингуз бўлсун — айтингиз, мукаррар ижобот бўлгусидур!

ГУЛРУХСОП. Мархаматли шоиру шох султонимиз ахду азм этсалар-да, ул зоти камилнинг шоирликлари менгаю, шохликлари ўзга даъвогарларга бўлса.

ХУСАЙНИЙ (тушунмай). А? Бул не демакдур?

ГУЛРУХСОП. Бегим, Сиз сафар авойилинда-да менла бўлуб эрдунгиз. Кайтгоч, таги бунга келмишсиз. Бека кундошларим... бу холдин норизо бўлурлар...

ХУСАЙНИЙ (хонтахта ёнига ўтираркан, кўл силкиб). Хе, истихолангиз шунданму?! Алар шу кунларига шукр этсунлар, акс холда Бека Султонбегим ва Шахбону Бегимлар киби са-ройни тарк этмаклариде ахтимолдин холи эрмас.

ГУЛРУХСОП (шоҳ рўбарўсига ўтираркан). Бегим, гул ўз бутасинда азиздур.

Завжаларингиз кўпи олий мартабали подшоҳларнинг кизлари ёхуд сингилларидурлар ва Сизнинг алар оллинда-да бурчингиз бордур. Боз устига ул жуфтларингиздин ўн тўрт ўгулу ўн бир кизингиз хам...

ХУСАЙНИЙ (гапини бўлиб). Гулим, гар кўп бор завжлангон эрсам — бул шохлигим туфайлидин — яъни меним гунохимдур. Вале бека кундошларингизнинг хеч биринда Сизни-кидек шакар тил билан инжу дил йўклиги — аларнинг гунохларидур. Хуллас, бизда ўзга завжаларимизла розлашурга хеч канча хохиш колгон эрмас. Бинобарин, бул мавзуга чек кўйилгони дурустдур!

ГУЛРУХСОП (илтижо билан). Бегим, гарчандки мен аларнинг хеч бирига ёзуглик истамасмен, вале канглум бийик бир нотинчлик сезмакдадур: магар ушбу ўтинчим рад этсангиз, ногах бир хунук хол юз бериб, дилингиз ранжитмаса эрди, дебон...

ХУСАЙНИЙ (катъий). Хей, Сиз не деюрсиз — мен ким Хуросондек улкан салтанат сохиби эрсам — неча-неча балдаю вилоятлар арзи тобелик изхор этсалару, наинким шул ўз харамимда тартиб ўрнатурда ожизлик килсам?!

Гулрухсор эътироз этмокчи бўлганда, галиртирмай бўйнидан кучади. Чирок ўчади.

Бироздан кейин хижрон куйи ва унинг фони-да сўзсиз кўшик эшитилгач, яна сахна ёришади. Хусайний хамон тўшак устида, кўксини чангаллаб ўтирибди. Пешонасига бир уриб кўйгач, ёнидан когоз олиб, тагин мурожаатга ўтади:

О, коимсиз санам!.. Мана, мен ахдимизга биноан, васфинг таърифинда янги газал битиб эрдим. Сен эрса ани ўзунгча накшламакни ваъда айлагон эрдинг... Мен буни эмди кимга кўрсатурмен?..

Бироз жим колади.

Хай, лоакал хаёлинг бўлсун, ўзунгга айтурмен. Бул шавки сенингла кетгон мотамзада ошикингниг ўтмиш умриндаги энг масрур дамларин мухрланмасйдур: (шикаста овоз билан ёзувни ўқийди.)

Кўз корасун хал этуб ёздум сенга ажзу ниёз,

Кўз ёшумни хам сепуб ул номага, эй сарвиноз.

Ишк еткач аклу хушу сабр хар ён бутрашур,

Ўт каён юзланса вожибдур ул элга эхтироз.

Ошкоро жон агар лаълинг сўзин айтур, вале,

Ёшурун гунчанг била канглумни бордур ўзга роз.

Ул не коматдурки, барча ростлар айлаб дуо,

Дерларки, бул гулшан аро ул сарф бўлсун сарфароз.

Шавки сабрим накдини айлай они кўргач фидо,
Демаса айб айлаб ул махваш буларни кўпу оз.
Чун хакикат нури ул ораз тажаллисиндадур,
Не хакикат улки онинг ишкини ўйнар мажоз.
Эй Хусайний, ёр кўйи каъбаси наврўз эрур,
Не ажаб гар бенаволар айлар оханги хижоз...
Жим бўлиб колади. Эшикдан Навоий кириб, секин томок киради.
ХУСАЙНИЙ (туриб, Навоий билан кўришгач). Келингиз, Алишер.
НАВОИЙ. Нечук, бир кадар... қарор топдингизму?
ХУСАЙНИЙ (ўтиришгач). Ха, эмДи... қисмат шахлик аъмолин-да тан олмас эркон... Бунда
ўзунгга келмиш юкни ўзунг тортурга махкум эрсанг... (Уфлаб.) Чорамиз канчадур...
НАВОИЙ (гап буриб). Келаётиб... бир тоза газал эшитдим — бугун битилгонму?..
ХУСАЙНИЙ (чукур нафас олиб). Хе... Сиз эшутмагондур-сиз — шул боис янги кабул
этгондурсиз. Аслида ул яралгондин буён бир кўп замонлар ўтмуш. Ул дамларда оламда
бир Гулрухсор аталгон санам бўлгувчи эрди. Ўшал махваш бир шай-дони бекарор айлаб,
васфида шундаюн мисралар тиздиргувчи эрди...
НАВОИЙ. Кўрсак бўлурму?
ХУСАЙНИЙ (газални узатиб). Малика... раҳматли бўлмасдин аввал каминанинг
ишкномаларини то ўзи кўруб, тахрир этмагунча ҳеч кимга кўрсатмаслик ваъдасун олиб
эрди... Ушбу газал шикор асноси яралгон эрди. (Хўрсиниб.) Кечикибдур... Эмди бамисли
кетиб колгон нишонга отилгон ўк — новак каби аросатдадур...
НАВОИЙ (бироз ўкиб, бош чайкайди). Аттангим, маликага буни кўрмак насиб этмабдур...
Багоят нозик ва ўтлуг эркон... Вале, умед борким, Сиз онинг таърифин буткул айтуб
бўлмагондурсиз. Бинобарин, вақтики келуб... хотирин ёд олгонда хомангиз таги мўъжаз
наволар биткусидур.
ХУСАЙНИЙ (ёнидан яна бир битик оларкан, тушкин бош чайкаб). Бизнинг шодлигу
шавкимиз-да ул тажаллисоз била кет-мушдур ва онинг васфинда минбаъд ушбу... дин
ўзга ҳеч наво айтолмасмиз...
НАВОИЙ (коғозни олиб кўз югуртираркан). Э... бул мар-сия-ку...
ХУСАЙНИЙ (чукур нафас олиб). Ха, ўқунгиз. Овоз била ўқунгиз — ўзум ҳам эшутмак
истармен...
НАВОИЙ:
Заъфдин ўргамчи домига йикилгач чирмануб,
Ул чибиндек тўрлади хар ён танумни айлануб.
Лайлию Ширину Узро бордилар, вах не ажаб,
Бўлмогим вола сангаким, сен колубсен сайлануб.
Вомику Фарходу Мажнун, ишк ўтига тузмаюн,
Бордилар, мен колдум алардин ўтумга чуркануб.
Чуркануб колгоч ўтумга, махфий истаб гайрдин, ,
Ўлтурубмен турфа иш, кўрким кулумни буркануб.
Хажрида жонимга бедод айласам айб этмангуз,
Ким, каттик хол эмуш айрулмак бировга ўргануб.
Вах, не толеъдурки гам шоми тушумга кирса ёр,
Бовар этмай уйкудин секраб кўпармен сескануб.
Ер кўйидин ўтарда бошима ёгса бало,
Анда айлармен таваккуф хар жихатдин куймануб.

Ранжу хижрон заъфидин тебранмагим имкон эмас,

Онча кувват кайдаким, кўюнга борсам суркануб.

Эй Хусайний, жуз фано оханги маълум ўлмади,

Кўйидаким навха килдунг заъф вакти ингрануб...

Дўстум... мен бандалик дардингиздан не чоғлик гамдил ўлсам, бул навоибномангиз ўкуб,
таги-да муттассир бўлдум ва Сизга кай сўз ила тасалли бурурга-да ожизмен..

ХУСАЙНИЙ. Раҳмат. Сиздёк дўсти содикни ато этгон тенгрига шукр. Хар он дилим

гамдин ўртанур, вале одам зотидин ҳеч бир кимсани кўрурга хушум йўк эрди, Ташрифу
мулокотингиз дардимга бирмунча дармондек бўлди.

НАВОИЙ (ётиги билан). Ундок эрса... бизнинг ҳам бир дўс-тона маслахатимиз бордур:

эмди... ўзунгизни харчанд узулатга олуб, афгор этсангизда натижа бўлмас. Бул тарафда
эрса худудсиз салтанат — элнинг нигоҳи Сиздадур... Одам тафтин одам олур: тахтга
чикуб, ахли саройга кўриниш берсангиз, токим...

ХУСАЙНИЙ (бош чайкаб). Наинки меним холим шунга келса? ёким афтодалигим дўсту
душманга намойиш этмак чун кўринаюнму?

НАВОИЙ. Йўк, асло. Сиз салтанат сохибидурсиз. Ўзунгизда андок кувват топингким, кўл
синиги енг ичра-ю, бош ёриги тож остинда колуб, фукаро мамлакат хукмдори борлигига,
бинобарин, хукумат ва адолат баркарорлигига ишонч хосил этсин.

ХУСАЙНИЙ (тин олиб). Хей, бул дегонларингуз айтурга осондур, этгали эрса... дард бору
дармон топилмас.

НАВОИЙ. Дўстум, фукаро ахволин-да бир хаёлга келтур-гайсиз: салтанатнинг олис
балдаю вилоятларидин не машаккатлар чекиб бунга келгон арзгўйлар Сизнинг
мухрингиз ёхуд бир калима амрингиз чун мустар юрурлар. Качонким хукумат тарозусин
бир палласида Сизнинг адолат тошунгиз турмас эркон, баъзи мансабдорлар эл ҳақкига
жабр этурлар. Хуллас-ким, ногихон адасиз дард тушгон бул бошингизда айни дам тож
юки ҳам мавжудлигин унутмагайдурсиз.

Шох хаёлга ботиб, иккиланади.

Майли, бир мунча ўзунгизга келгунингизга кадар мен ҳам ёнингизда туриб, харна Сизга
маслаҳат ва мулокот-да мадад беруремен.

ХУСАЙНИЙ (бироз ўйлагач). Майли... Сиз айтконча бўлсун. Кийина бошлайди.

2 ПАРДА

7-кўриниш

Навоийнинг хонаси. Афзал ёнбошлаб ўтирибди. Мулозим чой олиб келиб кўяди. Афзал
чойни кайтариб ича бошлаганда иккита китоб кўтариб хаттот Султонали Машхадий
киради. Саломлашадилар.

АФЗАЛ (ўтириштач). Келингиз, мавлоно! Яхшиям толеъ-мизга Мир жаноблари борлар,

йўкса сизни учратмак ўзунгиз накшлайтургон китоблар киби мушкулу ноёб бўлурмиди?! СУЛТОНАЛИ (кулиб). Хай-хай, бул гинани аслида биз килмогимиз ўринли бўлурди.

Негаким, айтишларича, таксиримнинг ўзлари ушбу кезлар жаъми вузарони четлаб, давлат вазифаларин ёлгиз бажарур эмишлар?

АФЗАЛ (чай узатиб). Ажаб! Муболага бобинда-да махо-ратингиз хаттотликдин колушмас эркон, мавлоно.

СУЛТОНАЛИ. Магарким, бул муболага эрса, анда нечук, наинки биз — факирлар, хатто Мир жанобларин хам ҳеч йўкламасиз?

АФЗАЛ (жиддий). Бул гинангиз ўринлидур, мавлоно. Факат минг таассуфким, бу хол каминанинг хохишига зид тарзда юз берур. (Маъюс бош чайкаб.) Хей, Мир жанобларин мансаб-дорлик кезлари хўб бех замонлар бўлгон эрконда. Хар бир вазифадор ўз юмушин вақтинда бажаргувчи эрди. Шул боис-ким, ҳеч ким ишдин толикмас, боз устига турфа анжуманларга-да, нафакат фурсат, балким иштиёк хам беадад эрди.

СУЛТОНАЛИ. Алхол саройда тутум ўзгармишму?

АФЗАЛ (бош чайкаб). Ха... Мир жанобларин кадамлари била гўёким саройни файз ва тартиб-адолат хам тарк этгон кибидур. Бир неча аъёну акобирлар борким, ўз вазифаларин унутушиб, яккаш султонга улфатбозлик килмак пайинда бўлурлар.

Шаханшоҳ эрса... айни дамлар майхўрликка ружу кўйгондур. Пойтахту вилоятларда бедодлиг-адолатсизликлар ошиб борур. Хулласким, давлат юмушларидин ташкари, арзғўй-адолатталаблар холин хам камина тингламас, ўзга талабгор топилмас.

СУЛТОНАЛИ. Бизни афу эткайсиз, таксир, гинамиз ноўрин эркон.

АФЗАЛ. Хўп, ўзунгиз бу кезлар не юмушлар-да машгулсиз — хар нечук биздек ночор ахволда эмасдурсиз?

СУЛТОНАЛИ. О, тенгрига шукрим, асло ундог эмастур — биз Мир жанобларин пурнур офтоблари остинда бори таш-вишларидин холи туруб, мана бундог китобатлар килурмиз.

АФЗАЛ. Багоят омадлидурсиз, иним. (Китобларга ишора этиб.) Булар не хусусда баён этурлар?

СУЛТОНАЛИ (бир китобни очиб). Бул Миримизнинг шахзодаи валиаҳд Бадиуззамон Мирзога тухфалари эрур. То хазрат султонимизга кадар ўтмуш бир кўп подшолар холотидин сабоқлар берур.

АФЗАЛ (китобни олиб, очаркан). Тасанно! Магарким таъ-бир жоиз эрса, устоз танни вужудга келтургон эрсалар, сиз анга зап ярашукли либос кийдирибсиз. (Китобни бериб.) Устоз бунда темурийлардин кимларни ибрат келтирмушлар?

СУЛТОНАЛИ (китобни очиб). Устознинг энг юксак олқишларига сазавор бўлмуш зот — жаннатмакон Улугбек хазратлари эрур. Хусусан, ушбу битиклар онинг таърифиндадур:

Анинг абнойи жинси бўлди барбод,

Ки давр ахли биридин айламас ёд.

Ва лек ул илм сори топту чун даст,

Кўзи олдинда бўлди осмон паст.

АФЗАЛ. Ха. Темурийлар аро ҳеч ким ул зоти бобарокот киби маърифат, тижорат ва ободончилик-чун зўр бермагондур.

СУЛТОНАЛИ. Хакрост. Устоз битгонларидек:

Темнрхои наслидин султон Улугбек,

Ки олам кўрмади султон анингдек.

АФЗАЛ. Улугбек Мирзо хакинда бул киби мумтоз каломлар дегонлари чун олий мартаба Миримизга ва ул айтилгонларни зеб ила накш этгонингиз чун Сизга-да хар неча хамду

санолар озлик килур!

Султонали куллук килади.

Эмди, иншоолло, умед борким, шахзодамиз бул ўгитларни дил катларига мустаъмал жо этуб олгайлар. Зеро, Миримиз айтконларидек, шохга якин доно доно эрмас, балким донога якин шох шох эрур.

Иккинчи китобни олиб, кўра бошлаганда сарой мулозими киради.

МУЛОЗИМ. Таксир, сизни шахзода Музаффар Мирзо била Зулунбек кўкалтош истайдурлар.

АФЗАЛ. Дуруст. Тезда борурмен.

Мулозим кетади.

Кўрдингизму, иним? Камина неча кунлик орзуси ушалиб, бул саодат маснадига етишгонда, нурафшон офтобимиз жамолин кўргунча бўлмасдин таги абри сиёхлар соясига кайтмагимиз вожиб бўлди.

СУЛТОНАЛИ (ажабланиб). Хали, шу ерга келиб-да устозни кўра олмадингизму?!

АФЗАЛ (бош чайкаб). Армонким, йўк. Ул киши хаммомда эрконлар. Хўп, бизнинг дуою саломимизни Миримизга етказурсиз.

СУЛТОНАЛИ (кузатиб чиқаркан). Ха, албатта.

Мулозим кириб, дастурхонни йигиштиради. Китобларни марок билан кўздан кечиргач, пешонасига текизиб, токчага олиб кўяди. Сўнг чойнак ва дастурхонни олиб чиқади.

Султонали бир дутор ушлаган йигит билан киради.

СУЛТОНАЛИ. (ўтиришгач). Кани, дўстим, устоз хукмига хавола этмакчи бўлгон ул наъмангизни авзал бир тингласак.

ЙИГИТ. Маъкул, таксир.

Султонали ёнбошлайди. Йигит дуторни созлагач, чала бошлайди.

8-кўриниш

Бог манзараси. Кушлар сайроги авжида. Ихчам сўри ёнига кўлларида китоб ва най килиб ўралган когоз тутган икки талаба келгач, сайраш овози бироз пасаяди.

ШАЙХИМ. Оббо, сезиб колмишлар!... (Дарахтларга тики-ларкан.) Чамаси Хирот булбулларинда энг хушнаволари шул масканда жам бўлишгондек-а?!

КАМОЛ. Ха, бул лутфингга шак йўктур.

ШАЙХИМ (махлиё бўлганча). Аслида биз кандог мадх эт-макни бийрондалардин ўргансак дуруст бўлур эркон, а?

КАМОЛ. Мен ўзумга ношайиста тахаллус танлабмен — ани ўзгартирурмен. Минбаъд ашъор битсам, анга гализ — Келбатий эрмас, Андалиб — яъни Булбул дебон тахаллус битурмен!

ШАЙХИМ. Бисёр хўб килурсен. Камина-да шундог жазм этурмен: эмди Гарибий эрмас — Хиротий тахаллусин олурмен. Зеро, азим Хирийда хазрат Навоийдек банданавоз бор эркон, шоиру фозиллар асло гарибу бенаво бўлмаслар.

КАМОЛ. Ори рост. Йўк эрса, биз киммиз? Шунчаики сабокни эмди бошлагон толибул илмлар. Ул зоти комил эрса таъмин-эhtiёжимизни ўз зиммаларига олгонлари устига, боз мударрисимизга учрабон «Салохиятли шогирдларни хузуримга йиборингиз» деб, таги рагбат бермушлар ва...

ШАЙХИМ (гапини бўлиб). Эй, кара, ана устознинг ўзлари!

КАМОЛ (караб). Ха, Вале, ўзлари ёлгуз эмаслар-ку...

ШАЙХИМ. Хамрохлари ила кизгин мусохабададурлар. Фикрларин чалгитмасдин четда турмаганимиз дуруст бўлус

Талабалар кетишади. Навоий билан Бобо Алининг овозлари эшитила ди.

БОБО АЛИ (овози). Мана, орадин неча фурсат кечмасун, бул можаро тахлилига хеч кувваи хофизам етмайдур!

НАВОИЙ (кираётиб).

Кимки фалак сори отур тошуни, Тош ила озурда этур бошуни.

Сиз шумларнинг хар нечук найранг-гююрликларин кўруб танг бўлмангиз. Зеро, эл-улус хизмати-чун бел богламиш кимса шул йўлда ранж-риёзат чекаркан, бунинг неси ажаб?

БОБО АЛИ. Устоз, маъзур тутгайсизким, Сиз факир арзин бошка навъ тушунмишсиз, Магарким, Сиз саройга кайтиб, кандог бўлмасун бирор лавозимда турсангиз бас, бул муло-зимингиз бор вужуди-да эл хизматин адо этгони бўлсун...

НАВОИЙ (юришдан тўхтаб). Хм, бизга эмди сиз хам шун-дог кенгаш берурсиз. Валекин камина ўзга матлаб йўлинда бел боглаб, хар неча колгон умрни хома суруб ўткарурга азм этгонмиз. Сиз эрса ёшсиз, боз устига хома бирла-да ошноли-гингиз йўктур. Бас, шундог эркон, сарой вазифангизни сидки дил ижро этмагингиз фарзу карз эрур.

БОБО АЛИ (кизгин). Устоз! Камина эл назаридин четда колгон бир кимса эрдим.

Ўзингизга якин олуб, тарбият эттингиз ва олий даргоҳдаги мансабга раво кўрдингиз.

(Кўлини кўксига кўйиб). Камина Сизнинг кутлуг кадамингизу муборак нафасингиз етгулик хар ерда тамоми бахтиёрлик ва жонсипор-лик ила вазифа ўтмагим мумкиндур.

Вале, Сизсиз факирнинг ул ерда колмоги хеч имконсиздур!

НАВОИЙ. Гап уринг-а! (Кўзадаги сувдан юзини хўлларкан, хазилга буриб.) Мавлоно Бобо Али, онглагайсизким, эмди сиз атосига эргашуб юрадургон гўдак ёшунда эрмас, балким ўзунгиз-да неча ўзгаларга рахнамолик килатургон даражададурсиз!

БОБО АЛИ (илтижо этиб). Устоз, пандларингизга кулок осмаётгон бул ношукрни афу этгайсиз. Вале дилхун арзимни Сиздин ўзга тинглаувчи йўктур. Меним ушбу кунлардаги ахволим бамисли Яссавий хазратлари айтгондек:

Кўзум намли, дилим гамли, мен аламли, Нечук илож айлорумни билмом, дўстлар. Бул хасратда, надоматда ёшум окуб, Каю тараф кеторумни билмом, дўстлар...

НАВОИЙ (юзини артиб). Хм, саройда ахвол кандоглигининг бир мунча вокифдурмиз.

Аmmoким, хеч кимса сизга ножоиз гапурмагон ёхуд хаккингизга дохил килмагондур.

Бинобарин, сизни саройдин четлатмак ё химоя этмак бобинда-да Султонга арз килурга асос хам йўктур.

БОБО АЛИ. Дархакикат, хозирча шундогдур. Валекин саройда нохушлик шамоли наинки кун, балким соат сайин кучаюб борур. Маъсума малика вафотидин буён шаханшоҳ багоят тунд ва баджахлдурлар. Боз устига хушёрининг сархуши кўпрак бўлур. Айни дамлар ул ерда кечатургон мунофиклик, фитна-фасод мени шундок холга солурким, ўзумни бамисли суйи поёнига етуб боратургон ховуздаги балик ахволинда сезурмен. Шул важхким, факирга кўргузгон онча саховатин-гиз устига таги бир мурувват кўрсатуб, мени кандог бўлма-сун эшук огалик лавозимидин халос эттурсангиз!..

НАВОИЙ. Хўп, кўрурмиз. Биргина сиз учунмас, улус осойишин кўзлабда саройга борурмиз. (Йўл юришда давом этиб.) Ахволни шохга маълум етуб, тартибу адолатга даъват килурмиз.

9-кўриниш

Хусайний тахтда. Кўлида май тўла кадах, мажхул ўлтирибди. Икки ёнида икки ходим уни елпиб турибди. Ўртада раккоса хазин куйга мос ўйнаётир. Шох гўё кўлида май борлигиниям, ўртада раккоса ўйнаётганиням сезмаётгандек. Даврадан жой олишган Маждиддин, Морбоз, Соний ва Тарлонбек эса хатто нафас олишсаям шохнинг хаёли бўлиниши мумкинлигидан хадиксирашиб, мисоли хайкалдек тек туришибди. Султонга янги бошланган куй ёкмай, бас ишорасини беради. Раккоса ва созандалар кетишади. ХУСАЙНИЙ (ўзига гапиргандек). О-о, кўнгул бир тозвашъор истайдур...

Улфатлар бир-бирларига карашади. Кейин Тарлонбек туриб шохга таъзим этади. ТАРЛОНБЕК. Олампадох! Магар астойдил йигланса сўкур кўз хам ёш тўкур, дерлар. Илло, салтанатимиз доругаси бўлмуш закий шохимиз шоир, ул кишининг аёёну ақибирларин хар иккисидин бири шоир, хусусан, мўъбад султонимизнинг энг якин сулукбардорлари саналмиш Навоий хазратлари шоирдурлар.

СОНИЙ. Хакрост — бори айтконларингиз шоирдурлар!

ТАРЛОНБЕК (салмоклаб). Аларнинг табаррук нафаслари сингмиш хаводин бахраманд ўлуб... биз хам бир ашъор битуб эрдук... Башартики хазратим... кулок тутмакка истак билдир-салар...

ХУСАЙНИЙ (кош чимириб). А?

ТАРЛОНБЕК. Эмди шохим... (чайналади.) Бул кулингиз...

ХУСАЙНИЙ (сал илжайиб). Бизга ашъорингиздин-да бул жабхага журъатингиз галат туюлар. Хўп, кулогимиз сизда бўлсун.

ТАРЛОНБЕК. Кулук, шохим. (Тутила-тутила ўкишга тушади).

Бул фонми дунёда осмон битта, тенгритаоло битта, Умматлар кўп, вале пайгамбар Расулилло битта.

Тенгрим берур бировга дунёю зеб ададсиз,
Лек бермас чака бирига этсун минг тавалло битта.

Мулки Хуросонда юлдуз мисол шуаро бисёр, вале,
Алар ичра шоир Навоий ой янглиг индалло битта.

Ой-юлдузлар айлаб тун багрини равшану

Лек бори бўлгайлар нихон чикса куёш иншоолло, битта.

Эй сулону зиёбахш куёшимиз, бокий яшанг, деб, Тарлоний кулингиз битмуш ашъор,
алхамдулилло, битта!

МАЖДИДДИН (шохнинг мийгида жилмаганини кўриб, Тарлонбекнинг елкасига кокаркан). Э, офарин, Тарлонбек! Сиз жамийки шуаро мадхани шул беш байтда жамъ этиб-сиз — бинобарин бул жабхада-да камолга етибсиз, офарин!!

МОРБОЗ. Биз сизни шул дамгача шамшири кесир, забар-даст саркарда деб билурдик,
эмди аён бўлдиким, назмда-да нак маликушшуаро эркансиз!

СОНИЙ. Ажааб!.. Кулогимга бамисли сўфининг азонидек кириб, калимаи шаходатдек ўрнашмишим, осмон биттаю худой таолло битта, кўп умматлар аро пайгамбар Расулилло битта. Давлатпадох султонимиз азми-да обод Хуросонда юл-дузлардек шуаро бисёру вале алар ичра тўлур ой мисли Навоий хазратлари биттадур. Ва ой-юлдузлар тун зулумотин ёритгайлару (таъкидлаб) аммоким хуршидтобон султонимиз шукух-ла кўриниш берсалар — бори шу он чекингайлар!..

ХУСАЙНИЙ (илжайган кўйи). Хм, «шоир Тарлоний», магар дурустрак боксалар, одам бўлатургон кўринурсиз.

ТАГЛОНБЕК (куллуклаб). Тенгрим сизнинг мурувватингиз-ни дариг тутмаса, иншоолло! МАЖДИДДИН. Э, иним, модомики ваълинеъматимизнинг ўзларики «одам бўлурсиз» дебон лутф эттиларми—биллинг-ким, бул толе офтобингиз таважжухин нишонасидур! СОНИЙ. Филхакикат, рост айтурсиз — айни шундог!

МОРБОЗ (бош сараклаб). Афсуским, бу анжуманимизда шеър муякининг султони хозир эрмаслар. Акс холда мўъта-бар зотнинг ўзлари шоири навбарга кандог бахо бергонларин шохиди бўлур эрдук!..

ХУСАЙНИЙ. (май ичаркан, хомуш тортиб, ўзича). Хм, Навоий... Бир замонлар бўлуб тургон нафис мажлислару кизгин мушоиралари кани онинг?.. Ўзи камнамо, башарти биз чор-лагудек бўлсак-да, келуб даврани безаб, мажлисни кизитмак ўрнига... нукул турфа ишлардин арзу шиквалар этур...

СОНИЙ (секин гап кўшиб). Дарвоке, шоири комилимизнинг янги битиклари-да галатрокдур:

Мени мен истаган ўз сухбатига аржуманд этмас,

Мени истар кишининг сухбатин кўнглум писанд этмас...

МАЖДИДДИН (жимликни бузиб). Шохим, тенгрига шукрим, салтанат тинч, навкарларингиз жанговар, фукаро эрса итоатдадур. Бас, шундог эркон, шоиримуз айткондек, кангулни-да хуррам этконга не етсун?!

ТАРЛОНБЕК (жомларга шароб куярган).

Эй Навоий, бода бирла хуррам эт кўнглунг уйин,

Не учунким бода киргон уйга кайгу келмади.

Ичишади.

МОРБОЗ (соколини артиб). Илло, камина шоирлар пешвоси — мухтарам Навоийдин мажлисимизни яшнататургон шул киби байтлари-чун багоят миннатдормен. Валекин Мир Али-шернинг матлуби недур — таассуфким, асти тушунолмасмен.

СОНИЙ (боши билан тасдиклаб). Ха, собик амир Алишер-нинг атвори бир кадар жумбокдур. Ахир доруссалтанатда аввало маликул-олам султонимиз, колаверса, ул шерзот барчамизга рахнамо бўлуб, яхши хулкимиз-чун рагбат, аксинча эрса танбех айлаб турмаклари жоиз эрмасму?

Шериклари маъкуллашади.

МАЖДИДДИН (шоҳнинг сукутини бузиб). Шохим, магар ижозат берилса, сизни баъзи миш-мишлардин ифшо килур эрдум.

ХУСАЙНИЙ (елпувчиларга кетиш ишорасини бериб). Кандог миш-мишлар?

МАЖДИДДИН. Муборак хотирингизда бордур — бир кун жиянингиз Давлатбекни чорлаб, ўгитлар бергонингиз?

ХУСАЙНИЙ (хушламай). Хўп, не бўлубдур?

МАЖДИДДИН (сирли овозда). Шул вокеа ила боглук — сўзлашга-да тил бормайдур — хунук хол содир бўлмишдур...

ХУСАЙНИЙ (токатсиз). Мухтасар этингиз, не гапдур?!

МАЖДИДДИН. Алишер... дўстунгиз жамоат оллида бир латифа айтмишдур. Эмишким, сиз, мудом маст-сархуш юриши-ла шаъни муборакингизга ношойисталик этгувчи жиянингизни хушёру окилликка даъват этиб, башарти бул шевасин тарк эт-са, бир катта вилоят волийлигин ваъда килибсиз. Алкисса, Давлатбек нописандлик бирла «Аё, бузруквор, мен бул одатим тарк этуб олатургон хокимликни не килай, качонким, май

ичгач ўзумни султон деб билсам» дегон Эрмуш...

СОНИЙ (чўчиб). Об-бо! Ким не деса десун, вале Алишердек зотдин бул жумла лозим эрмас эрди. Зеро, жумлаи мўминни кулдирмак — бул тенгри ёдин унутмакдир — бир гунох эрса, таги ким устидин кулмак — ул айтилгоннинг маъноси бу турур-ким: тогойиси шох бўлатуруб май ичур, жиянлари эрса май ичгач ўзин шох фараз этур — эл наздида хунук мукоясаким, бунисин юз гунох демак-да камлик килур!

МОРБОЗ. О, худрой Алишер! Юраги наинким отнинг каласидек онинг — бундог калтис гаплар айтур! (ёка ушлайди.)

МАЖДИДДИН. Олампадох! Сиз мудом, хусусан, базму жамшидлар асноси Алишерни йўклаб, онинг шодиёна дамлар ёнингизда ўрни бўш тургонидин афсусланурсиз.

Валекин... дўстунгизнинг садокат-мехри сизникича эрмас, ёким сизнинг бирор тадбирингиздин ранжиб, онинг дилидин мехр-садокат кўтарилгондур. (ёнидан когоз олиб). Акс холда ул сизнинг шарафвор базмларингизга келуб турур ва бундог мисраларни битмас эрди:

Гарчики, шах базми эрур дилрабо,

Вожиб эрур айламак андин ибо.

Махрами зимнида эрур хешлар,

Нўши ичинда тикилур решлар.

Гул кўринур, ёнмда юз хори бор,

Бор эрса бир айш, минг озори бор.

Когозни шохга беради. Нокулай жимлик.

ТАРЛОНБЕК. Шохим! Ўзунгиз шохидким, камина хазрат Навоийни не чоғли эъзоз этурмен — бояги битмиш фахриям хам онга бўлгон чексиз ихлосим хосиласи эрди.

(Афсусли таъкидлаб.) Аммо кеча ул киши туфайли юз бермиш холдин сизни бохабар этмасам, хазратимга бўлгон садокатимга хаёнат этгон бўлурмен.

ХУСАЙНИЙ (когозни ташлаб). Таги не содир бўлмишдур?!

ТАРЛОНБЕК. Кеча окшом юзбоши Сиртлонбек каминага учраб, сизга маълум этмакни ўтиндиким, онинг минбаъд хаз-ратимга садокатла хизмат этмаги хавф остинда колмишдур.

ХУСАЙНИЙ (асабийлашиб). Яккаш «садокат-садокат» дебон лоф ургонча равшанрак десангиз-чи — муддаоси недур онинг?!

ТАРЛОНБЕК. Маъкул, шохим. Кеча юзбоши ўз навкарлари-ла Миробод кишлоги нуфусин хайдаб келаётгон эркан. Бозор ёнинда — дўстингизга рўбарў келибдур. Ул зот бандилар кимлигини суриштургон эркон, юзбоши аларнинг солик тўламакдин бош тортгон осийлар эрканлиги, шул важдин ўзга-ларга-да ибрат бўлсин-чув аввал сазойи этуб, сўнг зиндонга юборилажагини маълум килибдур.

Алкисса, Алишер жаноблари халойик оллинда бекка «Боракалло шижоатингизга, — дебон киноя этмушлар, — аммо-ким сиз тугилгонда исм танлагонлар янглимиш: зеро сизни Сиртлонбек эрмас, балким Мушукбек деб атасалар айна ат-вори аъмолингизга мос тушур эркон» дебдур.

МОРБОЗ (ёка тутиб). Астагфурилло!..

СОНИЙ. Илохо хуружи ногихонийдин ўзунг асрагил, парвардигор!

МОРБОЗ (яниб). Сиртлонбек Алишердин шохимиз хизматин адо этмакда бўлгон эътиборли бекни халойик оллинда не-чук бундог беобрў этмаги боисин талаб этмабдурму?!

ТАРЛОНБЕК. Талаб этмакдин не нафъ? Алишер жаноблари кимга не демасун — они

тергайтургон кимса йўктур — шул боисдин юзбошига-да нописандлик бирла жавоб этубдур.

Сахна коронгулашиб, от кишнаши, оломон говури эшитилади. Прожектор нурида Навоий бир хамрохи билан ва (кўринмаётган) от жilовини тутган мулозим билан Сиртлонбек (бир кўлида кам-чи, иккинчисини килич дастасига кўйган, важокатли киёфада) кўринадилар.

НАВОИЙ (бош сараклаб). Сиз бундог карамангиз, бек. Сизни мушукка менгизиб, ўзидин кучли олдида сичкон бўлур, сичкон олдида эрса арслондур, демагим боиси шулким, бурноги йил бир ёв босгонда бир нечалар мудофаани ташлаб кочишгон ва то ўзумизни ўнглаб олгунга кадар кўп бегунохлар ёстуги куригон эрди. Кейин маълум бўлдики, ўшал дам сизнинг навкарларингиз энг аввал жуфтак уришгон ва ўзун-гиз, билмам, кай бир сичкон инин макон айладунгиз эркон?!

Бек ноилож ерга карайди.

Сиз ўшал хиёнатингиз-чун жазо олув ўрнига, таги кимларнинг рахнамолиги ила чорасиз элни банди зиндон этувлик «касбивга етишдингиз эркон?!

Нур ўчади. Сахнада яна шох ва улфатлари.

СОНИЙ (газабнок). Бул хамокат! Шохим, биз содик кулларингиз кафилдурмизким, Сиртлонбек асти саваштин коча-тургонлардин эрмасдур!!

МОРБОЗ. Тўгри, онинг номард навкарлари саваштин кочишгон эрди. Вале бекнинг ўзи бизнинг ёнимизда эрди — бизни ёгийдин химоя этиб жонсипорлик килди.

МАЖДИДДИН (салмоклаб). Хўп... ўтгон ишга саловотдур. Аммо кеча бек хизматда эрди — хокони мансурнинг фармонин адо этмак йўлинда саъй килгондур. Алишер эрса айни дам амалдорликни тарк этгон, бинобарин, бул жабхага бевоси-та аралашувга хакли эмастур — нечук юзбоши буни эслатмаб-ДУР?

ТАРЛОНБЕК (кўл силкиб). Эслатмак кошким самар берса, билъакс, бамисли ўтга ёг сепгондек тагида онинг хуружин оширмуш!..

Яна прожектор ёниб, Навоий билан Сиртлонбек намоён бўлишади.

НАВОИЙ (бош чайкаб). Хей... Хайф сизларга мардоналик, мансабу маош! Айтинг-чи, қачондур эл сизлардин бир неглик-химоят топконмукин?! Йўк! Яккаш жабру ситам, бедодлик кўргондур — кайсиким киёси чет ёвникидин ортук бўлса ортук, аммо асло кам эрмас!

СИРТЛОНБЕК (гижиниб). Так-сир!... Сиз баногох йўлумни тўсуб... худа-бехуда гаплар айтурсиз. Камина неларнидур андеша килурмен, сиз эрса буни кўркокликка йўйурсиз.

(Таъкидлаб). Аммо хотирингиз фаромуш этмагайким, сиз бул кунда амир эрмас, шунчаки бир... шоирсиз, холос!

НАВОИЙ (сокол тутганча бош иргаб). Хали меним дегон-ларимга топкон жавобингиз шул эрса, анда шундан-да хурсанд бўлмагингиз жоиз эркан. Негаким, мабодо шул тоб амир хам бўлганимда, бул бандиларни элтур жойингизга ўзингизни йиборур эрдум!

Сахна ёришиб, яна шох ва улфатлари кўринишади.

ТАРЛОНБЕК. Окибат эрса амири собик бандиларни дархол озод этмакни талаб килибдур. Атрофдаги халойик хам шундок талаб этгони ва навкарларин мулзам бўлгонин кўргоч, бек ноилож аларни озод этуб, олингон ўлжаларни-да кай-тармакка мажбур бўлубдур.

МАЖДИДДИН (ташвишли). Алишернинг авомни итоатсизликка ундаб, шижоатли бекларнинг нуфузун тушурмаги... яхшиликка олуб келмайтургон иш бўлубдур!

Шох юзи тиришганча ҳеч кимга карамасдан ўтиради.

ТАРЛОНБЕК. Давлатпанох! Сўнг юз бергон холни айтургада тил бормайдур: халойик Навоийни дуоларга гарк этиб, бечора кулингиз Сиртлонбекни лаънатларга кўммишлар. Мах-фийлар хабар беришларича, нукул «Хайриятким, толеъмизга Навоий хазратлари бор — таянчимиз бордур. Илохо ул зотнинг умрлари узуну ракибларин холи забун бўлгай!» дебон дув-дув килмишлар.

МАЖДИДДИН (капалаги учиб). Их! Бул можаро эмди бо-зор боргон юз-юзлар оркали атроф-вилоятларга-да таркалур!..

СОНИЙ (безовталаниб). Ва... Алишер дуога ноилу бизлар... (Бирдан шохга ёлвориб). Олампанох! Камина кулингизнинг Сиздин бир ўтунчи бордур, умедворменким, рад этмассуз деб!..

ХУСАЙНИЙ (хушламай). Не эркон ул?

СОНИЙ. Ўзингиз яхши билурсизким, биз кулларингиз, бамис-ли тузингизни ялагон итингиз киби, сизга беадад содикдур-миз. Вале, надоматким, харчанд уриниб-да дўстингизга мак-бул келмадик — сиз бизни якин олгонингиз-чун кек килиб ул юксак мансабдин хам воз кечди...

Шохим, эмди... Алишернинг бул киби хуружлари авж олаберса, оми авом эрса яккаш они дуолаб, бизни лаънатлайвер-са... Машойихлар худонинг газабидин-да бандалар лаънати баъддур, демушлар. Мен кўп хавотирдамен ва то бирор бало-га дучор бўлмасдин... сиздин илтижо этурмен, ки бирор бў-лак лавозим беруб, мени саройдин четлатсангиз!..

МОРБОЗ. Маликул олам, биз сиздин, гар салтанатни тан билсак, анга бош санаб, заррача бўлсун раъйингиздин айри юрмасмиз, Вахоланки, барчамиз жам бўлуб-да сиз-чун ёлгуз Алишерчалик эътиборга молик эмасдурмиз. Тўгри, дўстингиз хам сизни ўзидин расман юкори тутур — гар таъбир жоиз ўлса ул зот мансабдор кезлари салтанатни тан санаб, биздин фаркли ўзуни бошу сизни шул бош узра кийилгон тож монанд... (Илтижога ўтиб.) Олампанох! Токим биз саройдамиз, Алишер тинчимас — мен бунга аминмен ва аввало сизнинг осойишингизни деб... бундаги вазифамдин кетмакка сиздин изн тилармен!..

МАЖДИДДИН. Шохим, мен хам ўзумча айни шул ахдга келиб эрдим. (Маслахат охангида.) Сиз муваккат бўлса-да, бизнинг саройдин четланмагимизга ижозат этиб, Алишерни мансаб ила таги сарафроз этсангиз.

Мушохадамча, онинг ўзи-да бир газал мактасинда айни шуни шамаъ этур:

Эй Навоий, гар вафосиз чикти ул Султони...

Топтунг элдинким, тиларсен эмди султондин вафо.

ТАРЛОНБЕК. Башартики шоиримизнинг матлуби мактадин онгланса, ул зот... айни дамлар шукухли султонимиздин кўра валиахд шахзодага кўпрак эътимод билдирур: Эй Навоий, бул хазон ўлгай бахор ила бадал, Келса давлат гулбуни шахзодаи сохиб жамол.

МАЖДИДДИН. Фикримча, Навоий хар не ишни сўз ва хома ила адо этмак мумкин, деб ўйлайдур. Вале, ишонч комилким, ўткур килич ва тадбиркор аъёнларсиз бори иш танназулга юз тутажани доно шоиримиз тезда онглаб олур. (Таъкидлаб.) Качонким шукдай хол юз бериб, сиз бул кулларингиз-ни яна саройга чорласангиз, биз «лаббай» дебон тиги хузурингизга шошилурмиз ва...

ХУСАЙНИЙ (гапини бўлиб). Бас! Хеч кимсага саройдин кетурга ижозат йўктур ва ортук бул хусусда огуз очилмасун!

МАЖДИДДИН (шериклари билан кўз уриштириб). Амрингиз вожибдур, шохим. Аммо, Алишер жаноблари бундин...

ХУСАЙНИЙ. Биз Алишернида тартибга чакирурмиз.

МАЖДИДДИН (вазминлик билан). Олампадох, сизга бори иш осондур. Валекин бул борада пухта ўйлаб иш килинма-са — Алишер, хусусан, кечаги вокеа боис авомнинг эътиборин козонгондур — тўгри тадбир-да эгри шархлануб, турфа но-хушликлар олуб келмаги мукиндур.

ХУСАЙНИЙ (бироз сукутга кетиб). Не маслахат бўлур?

МАЖДИДДИН. Дўстингизга ўзунгиз такаллуф-ла бир мактуб битиб, салтанатнинг бирор нотинчрок вилоятига маълум фурсат... волийлик таклиф этсангиз,

СОНИЙ. Айти дамлар Мозандарон тарафлар нотинчдур, хусусан, дорулфатх Астробод...

Бир ўк ила икки овни урмакда мумкин бўлур.

ТАРМОНБЕК. Устод шоиримиз-чун ул жойлар пойтахт гал-валариндин йироклиги боис хотиржамлик маскани бўлур, айти дамда бул тарафда тартиб ва итоат тикланур — яъниким ўз суюнчларидин ажрамиш бевош фукаро хам узун тилларин тишлаб, аклларин пешлай олур.

СОНИЙ. Аммоким Алишер Хирийни кўп севадир. Бундаги «Унсия», «Шифоия», «Халосия» ва хаказо «ия-ия» хоналари хамда мухлису мусохибларин согинур. Сўнг эрса сизга пай-дар-пай мактублар йибориб пойтахтга кайтмаклик илтижосин килур.

МОРБОЗ (таъкидлаб). Ва факат андин сўнг Алишер, худройлик бефойда эрконин — яъни салтанатда барчага ўз хукмин ўтказгучи сохиби тож — хукмдор мавжудлигин комил онглаб олур.

ХУСАЙНИЙ (ўрнидан тураркан). Розимен. Фармони олий ва мактуб тайёрлангиз.

МАЖДИДДИН (таъзимлаб). Куллуқ, шохим. Минбаъд биз тамоми эркин ва бежавотир иш юрита олурмиз.

Шох хеч нарса демай кета бошлайди.

СОНИЙ (шериклари билан кўз уриштираркан, эшикдан чи-каётган шохга эшиттирмай).

Амир Алишер, энди боруб Мозандарон тўкайларинда шерлик килурсен! Ок йўл!!

Кув куладилар. Шу асно мулозим киради.

Навоий хазратлари ташриф буюрдилар!

Шох улфатлари бир дам саросимага тушиб колишади.

ХУСАЙНИЙ (мулозимга кўза ва жомларни кўрсатиб). Булар олинсин, сўнг кирсин,

(Мулозим чиккач, улфатларга.) Тез ана ул эшикдин чикингиз!

Улфатлар ёв кувгандек, тез чикишади. Ходим кириб, кўза-жомларни олиб кетади. Кейин Навоий киради.

НАВОИЙ (таъзим этиб). Ассалому алайкум, шохим.

ХУСАЙНИЙ (пешвоз юриб). Ваалайкум ассалом, Алишер. (Кўришаётиб.) Биз хозир хазрат Хизрни йўкласак бўлуркан, келингиз.

НАВОИЙ. Биз хам ул хазратнинг муридларидин биридурмиз — йўкловингиз боисин билсак бўлурму?

ХУСАЙНИЙ (Навоийнинг тирсагидан олиб, секин чика бошларкан). Сизни базму жамшидларимизга чорласак:

Гарчандки, шах базми эрур дилрабо, Вожиб эрур айламак андин ибо,

дебон келмассиз. Эмди эрса бир мушкилот юз бериб, сулук маслахат-мададингизга мухтож туруб эрдик.

Эшикдан чикишгач, шохнинг «Дастурхон ва тўшаклар янгилан-сун» дегани эшитилади.

Ходимлар киришиб, уларни алмаштириша-ди. Сўнг хонани елпиб, хавосини хайдашади, мушк сепишади ва чикишади.

НАВОИЙ (киришаркан, эътироз билдириб). Дўстим, бул вазифани имону садокат бирла адо этатургон бек-амирлар оз эрмас. Бизни эмди давлат ишларидин тамом озод этсангиз, токим Сизга хизматимиз ёлгуз хома ила бўлса.

ХУСАЙНИЙ (унамай). Дўстим, биз Сизнинг не чоғли мухли-сингиз эрканимиз, харгиз исботга мухтож эмастур. Вале салтанат мухофазаси бизни шул дам айни шундоғ азм этмакка ун-дайдир. Олингон муълумотларга инонсак, Астробод хокими амир Мўгулбек исён тайёрламакдадур. Алкисса, ул ерга ўзга хар кандай бек ёхуд шахзода бормасин, кўп беҳуда кон тўкилмағи мукаррардур.

Навоий ўйланиб қолади.

Дўстим, бизни шул мушкилотдин куткаргайсиз ва бул Сиз-га бизнинг сўнғи топширигимиз бўлур. Харканча лашкар бўлса олгайсиз, ишкилиб, ул вилоятда тартиб баркарор бўл-са бўлғони. Сўнғ эрса биз Сизни тағи ўз машгуллингизга кайтарурмиз.

НАВОИЙ. Начора. Юрт осойишин деб бул вазифани зиммага олурмиз. (Таъкидлаб.)

Вале, фикримча, нотинчлик нафа-кат ул ерда, балким бошка вилоятларда ва хатто пойтахтлар-да юз бермакдадур.

ХУСАЙНИЙ (тасдиклаб). Рост. Аммо ўзгаларин бартараф этмакка ўзумизнинг қурбимиз келур, бул тарафдин хотуржам бўлунгиз.

НАВОИЙ. Дўстум, улуг бобокалонингиз Темурбек ўз тузукларинда «Кайсиким вилоятда тиланчи ёхуд ўғри чикибтур, ул вилоят хокимин бешафкат жазоладим» демишлар. Сиз хам ўз вилоятларингизни адолат назари ила бир тафтиш эттирсангиз, кани жаннатмакон бобонгиз айтмиш жазога хокимларингиздин нечаси мустахик бўлур эркан?

ХУСАЙНИЙ (яна юришга бошлаб). Бори айтконларингизни биз эътибор ила кўруб чикурмиз, токим Сиз мумкин қадар тезрак ва хотуржам ўз волийлигингизга киришгайсиз, деб.

НАВОИЙ (коғоз узатиб). Сиз мудом бизнинг янги битикла-римизни ўқуб, фикират билдирур эрдингиз. Шул боис, ушбуни-да факир Сизнинг муборак назарингизга хавола этмакни дилга солуб эрдик.

ХУСАЙНИЙ. О, бул биз-чун айни муддаодур. Кани, кутлуг хомангиз бу гал неларни битибдур эркон. (Олиб, ўқийди.)

Маиға қилса юз жафо

бир катла фарёд айламам,

Элга қилса бир жафо,

юз катла фарёд айларам....

Бироз жавоб тополмай қолади.

Хм, маъкул, дўстим. Бул битигингизни-да биз ёд олурмиз. Хотирингиз жам бўлгайким...

Сизни фарёд айлататургон хол-ларга имкон қолмас.

Яна юриб чиқишади, Мулозим чой ва мева олиб қиради.

Тамом

Боборахим Омон

